

古今圖書集成

方輿彙編

山川典

中華書局
已酉書社

方輿彙編 山川典

古今圖書集成

中華書局 已蜀書社

第一卷目錄

書經 虞書舜典 夏書禹貢

禮記 王制

周禮天官大宰 職方氏地官大司馬 秋官雍氏

管子 素馬 宙合 地盤

山川典第一卷

山川總部彙考

書經

舜典

學十有二州封十有二山濬川

肇始也禹治水之後舜分冀州爲幽州并州分
青州爲營州始置十二州封大也每州之名山殊
大者以爲其州之鎮有流川則深之使通利東周
禮職方氏每州皆云其山鎮曰某山揚州會稽荆
州衡山豫州華山雍州吳山冀州霍山并州恆山
幽州醫無閭青州沂山兗州岱山是周時九州之
內最大之山舜時十有二山事亦然也州內雖有
多山取其最高大者以爲其州之鎮特舉其名是
殊大之也其有川無大無小皆當深之故云潘川
有流川則深之使通利也職方氏每州皆云其川
其浸亦舉其州內大川但令小大俱通不復舉其
大者故直云潘之而已

男

禹敷土隨山刊木奠高山大川

觀山之高者莫高於岳川之大者莫大於瀋故言高山五岳謂嵩衡華恆也大川四瀋謂江河淮濟也此舉高大爲言卑小亦定之矣定其祀禮所視謂主制所云五岳視三公四瀋視諸侯其餘視伯子男往者洪水滔天則爲木所包川則水皆汎溢祭祀禮廢今始定之以見水土平復舊制也

冀州既載壺口治梁及岐

壺口在冀州梁岐在雍州從東衛山治水而西
此於冀州之分言及雍州之山者從東衛山治
水而西故也傳壺口山名漢地志在河東郡北屈
縣東南今隴州吉鄉縣也梁岐者冀州山梁山呂
梁山也在今石州離石縣東北爾雅云梁山晉望
即冀州呂梁山也呂不韋曰龍門未闢呂梁山未鑿河
出孟門之上又春秋梁山崩左氏穀梁皆以爲晉
山則亦指呂梁山矣鄠道元謂呂梁之石崇諫河流
激震動天地此禹既事壺口乃卽治梁也岐山
在今汾州介休縣孤岐之山勝水所出東北流注
于汾鄠道元云後魏於孤岐置六壁今六壁城在
勝水之側實古河運之險阨二山河水所逕治之
所以開河道也先儒以爲雍州梁岐者非是
就修太原至于岳陽
傳高平曰太原今以爲郡名岳太岳在太原西南
山南曰陽通周禮職方氏冀州其山鎮曰霍山卽
此太岳是也

厚懷底績至于衡漳

漳水橫流入河漢書漳在懷北五百餘里地理志云清漳水出上黨潞縣大厓谷東北至渤海阜城縣入河過郡五行千六百八十里此沽縣因水爲名志又云沽水出壺關志又云濁漳水出長子縣東至鄴縣入清漳鄭元亦云橫漳漳水橫流王肅云衡漳二水名集解按秦欽云二漳異源而下流相合同歸於海唐人亦言漳水能獨達于海請以爲瀆而不云入河者蓋禹之導河自降水大陸至碣石入于海本隴西山下東北去周定王五年河徙矜磔則漸遷而東漢初漳猶入河其後河徙日東而取漳水益遠至欽時河自大伾而下已非故道而漳自入海矣故欽與唐人所言者如此大伾氏曰漳水橫流入河故曰衡漳曾氏曰河自大伾北流漳水東流而注之也形東西爲橫南北爲從河北流而漳東注則河從而漳橫矣

厥土惟白壤厥賦惟上上錯厥田惟中恆衛既從大陸既作

地理志云恆水出常山上曲陽縣東入潞水衡
水出常山靈壽縣東北入潭池大陸在鉅鹿縣北
釋地十載云晉有大陸縣晁氏曰今之恆水西南
流至真定府行唐縣東流入于滋水又南流入于
衡水非古逕矣大陸孫炎曰鉅鹿北廣阿澤河所
經也程氏曰鉅鹿去古河絕遠河未嘗逕邢以行
鉅鹿之廣阿非是按爾雅高平曰陸大陸三者四
無山阜騷然平地蓋禹河自瀘相以北皆行西山
之麓故班馬王橫皆謂載之高地則古河之在貝

冀以及枯澤之南率皆穿西山踵趾以行及其已過信澤之北則西山勢斷曠然四平蓋以此地謂之大陸乃與下文北至大陸者合

易夷皮服夾右碣石入于河濟河惟兗州

東南據濟西北距河此下八州皆首言山川

者皆謂境界所及也據謂跨之距至也

九河既道

釋水載九河之名云徒駭太史馬頰覆金胡蘇簡潔鉤聲焉津按徒駭河地志云薄沱河實字記云在滄州清池南許商云在平城馬頰河元和志在德州安德平原南東實字記云在棣州滴河北與地記云即為馬河也覆釜河通典云在德州

安德胡蘇河實字記云在滄之饒安無棣臨津三縣許商云在東光簡潔河與地記云在臨津鉤聲河實字記云在樂陵東南從德州平昌來與地記云在樂陵臨津河實字記云在樂陵東西北流入

饒安許商云在鬲縣與地記云在無棣太史河不知所在自漢以來講求九河者其詳漢世近古止得其三唐人集累世積傳之語遂得其六歐陽忞

與地記又得其一或新河而載以舊名或一地而互為兩說要之皆似是而非無所依據至其顯然謬誤者則班固以薄沱為徒駭而不知薄沱不與古河相涉樂史馬頰乃以漢馬河當之鄭氏求

之不得又以為九河齊桓塞其八流以自廣夫曲防齊之所禁塞河宜非桓公之所為也河水可塞而河道果能盡平乎皆無稽考之言也惟程氏以

為九河之地已淪于海引碣石為九河之證以謂

今滄州之地北與平州接壤相去五百餘里禹之九河當在其地後為海水淹沒故其迹不存方九河未沒於海之時從今海岸東北更五百里平地河播為九在此五百里中又上文言夾右碣石則九河入海之處有碣石在其西北岸九河水道變遷難於推考而碣石通趾頂皆石不應仆沒今充冀之地既無此石而平州正南有山而名碣石者尚在海中去岸五百餘里卓立可見則是古河自今以為海處向北斜行始分為九其河道已淪入於海明矣漢王橫言昔天常連雨東北風海水溢西南出浸數百里九河之地已為海水所漸鄭道元亦謂九河碣石苞淪于海後世儒者知求九河於平地而不知求碣石有無以為之證故前後異說竟無歸宿蓋非九河之地而強鑿求之宜其支離而不能得也孔氏曰河分為九道在此州界平原以北是新安陳氏曰禹疏九河不過因河之勢自分而疏通之耳非自分之也

雷夏既澤沮洳會同

雷夏澤名澤沮二水會同此澤地理志云雷澤在濟陰城陽縣西北

澤水會氏曰爾雅水自河出為澠許慎云河澠水在宋又曰汲水受陳留

浚儀陰溝至蒙為澠水東入於泗水經汲水出陰溝東至蒙為澠則澠水即汲水也澠之下流入

于睢水沮水地志睢水出沛國芒縣睢水其沮水歟晁氏曰爾雅云自河出為澠濟出為澠求之於

韻沮有楚音二水河濟之別也二說未詳孰是會者水之合也同者合而一也大王氏炎曰沮出澠

陽離出曹州二水勢均故曰會同陳氏經曰兗略不及山知多平地河患為甚也

桑土既實是降丘宅土厥土黑墳厥草惟繇厥木惟條厥田惟中下厥賦實作十有三載乃同厥貢漆絲厥篚織文浮于濟漂遠于河

順流曰浮濟漂兩水名因水入水曰達地理志云漂水出東郡東武陽縣至安樂千乘縣入海

過郡三行千二十里其濟則下文具矣程氏以為此乃漢河與漂殊異然亦不能明言漂河所在未詳其地也

海岱惟青州

東北據海西南距岱岱泰山也在今襲慶府

奉符縣西北三十里

綢夷既略澠淄其道

地理志云澠水出琅邪其屋山北至都昌縣入海過郡三行五百二十里淄水出泰山萊蕪縣原

山東北至千乘博昌縣入海

厥土白墳海濱廣斥厥田惟上下厥賦中上厥貢鹽

繇海物惟錯岱吹絲桑鉛松怪石萊夷作牧厥篚

絲浮于汶達于濟

地理志云汶水出泰山萊蕪縣原山西南入濟

也

海岱及淮惟徐州

東至海北至岱南及淮

淮沂其又蒙羽其藝

地理志云沂水出泰山蓋縣臨樂子山南至下

邳入泗過郡五行六百里淮出桐柏山蒙山在泰

山陰縣西南羽山在東海觀其縣南會氏曰徐州水以沂名者非一邇道元謂水出尼丘山西北徑營之雋門亦謂之沂水水出太公武陽之冠石山亦謂之沂水而沂水之大則出於泰山也又按徐之水有泗有汶有濟而獨以淮沂言者徐之川莫大於淮淮又則自泗而下凡為川者可知矣徐之浸莫大於沂沂又則自沐而下凡為浸者可知矣王氏炎曰先淮後沂先大而後小也先蒙後羽先高而後下也淮沂又而後蒙羽可藝事之相因也

大野既豬東原底平

傳大野澤名地理志云大野澤在山陽鉅野縣北按水經濟水至乘氏縣分為二南為荷北為濟鄭道元謂一水東南流一水東北流入鉅野澤則大野為濟之所絕其所聚也大矣何承天曰鉅野廣大南導洙泗北連清濟徐之有濟於是乎見又鄭州中都西南亦有大野陂或皆大野之地也王氏炎曰大野豬而後東原平亦事之相因也厥土赤埴墳草木漸包厥田惟上中厥賦中中厥貢惟土五色羽畎夏翟嶧陽孤桐

地理志云東海下邳縣西有葛嶧山即此山也泗濱浮磬淮夷蠙珠魚

淮夷是二水之名淮即四瀆之淮也夷蓋小木後來涸竭不復有其處耳地理志泗水出濟陰乘氏縣東南至臨淮淮陰縣入淮行千一百一十里也泗水名出魯國卽縣桃墟西北陪尾山源有泉四泉俱導因以為名西南過彭城又東南過

下邳入淮下縣今廢廢府泗水縣也淮夷淮之夷也

厥篚元纁綿浮于淮泗達于河淮海惟揚州

北據淮南距海

彭蠡既豬陽鳥攸居

彭蠡澤名張勃吳錄云今名洞庭湖案今在九江郡界

彭蠡地志在豫章郡彭澤縣東合江西江東諸水跨豫章饒州南康軍三州之地所謂鄱陽湖者是也

三江既入震澤底定

震澤吳南大湖名三江韋昭云謂吳松江錢塘江浦陽江也吳地記云松江東北行七十里得三江口東北入海為婁江東南入海為東江并松江為三江

蘇氏謂岷山之江為中江嶠冢之江為北江豫章之江為南江即導水所謂東為北江東為中江者既有中北二江則豫章之江為南江可知今按此為三江若可依據然江漢會於漢陽合流數百里至湖口而後與豫章江會又合流千餘里而後入海不復可指為三矣震澤太湖也周

職方揚州數曰吳區地志在吳縣西南五十里今蘇州吳縣也具區之水多震而難定故謂之震澤

底定者言底於定而不震蕩也蘇氏新安陳氏曰三江不勝異說顧師古以為中江南江北江郭景純以為岷江浙江松江韋昭以為松江浙江浦陽江

王介甫以為一江自義興一江自毘陵一江自吳縣皆據所見而言非舊迹也皆不必取既入入海也陳氏大猷曰古有九河後合為一古有衆澤

後埋為地安知彭蠡之下為平水時有三江而後或合為一乎鄭道元謂東南地卑萬水所湊觸地咸川故川舊漢以為憑禹迹之不可考者多矣凡拾經文而指後世流漲之分合水道之通塞地名之同異以為說者以論後世之地理則可以論禹迹之舊則難也

篠簜既敷獸革惟天厥木惟喬厥土惟塗泥厥田惟下下厥賦下上上錯厥貢惟金三品瑤琨篠簜華羽毛惟木鳥夷卉服厥篚織貝厥包橘柚錫貢於江海達于淮泗

順流而下曰沿

荆及衡陽惟荊州

北據荆山南及衡山之陽會氏曰有兩荆山此荊州之荆山非雍州荆岐既旅之荆山此荆山其南為荊州其北為豫州漢志此荆山在南郡今襄陽府臨沮縣衡山在長沙今潭州湘南縣

江漢朝宗于海九江孔殷

九江潯陽地記云一曰烏白江二曰蚌江三曰烏江四曰嘉靡江五曰歐江六曰源江七曰康江八曰提江九曰簡江張須元錄江圖云一曰三里江二曰五州江三曰嘉靡江四曰烏土江五曰白蚌江六曰烏江七曰簡江八曰沙提江九曰康江

江參差隨水長短或百里或五十里始於鄂陵終於江口會於桑落洲大康地記曰九江劉歆以為湖漢九水入彭蠡澤也

九江即今之洞庭也水經言九江在長沙下雋西北楚地記曰巴陵瀟湘之淵在九江之間今岳州巴陵縣即楚之巴陵漢

之下舊也洞庭正在其西北則洞庭之爲九江審矣今沅水新水元水辰水飲水酉水澧水資水湘水皆合於洞庭意以是名九江也按漢志九江在廬江郡之尋陽縣尋陽記九江之名一曰烏江二曰綠江三曰烏白江四曰嘉麻江五曰吹江六曰源江七曰廬江八曰提江九曰龍江今詳漢九江郡之尋陽乃禹貢揚州之境而唐孔氏又以爲九江之名起於近代未足爲據且九江派別取之邪亦必首尾短長大略均布然後可目之爲九然其一水之間當有一洲九江之間沙水相間乃爲十有七道而今尋陽之地將無所容况沙洲出沒其勢不常果可以爲地理之定名乎設使派別爲九則當曰九江既道不應曰孔殷於導江當曰播九江不應曰過九江反復參考則九江非尋陽明甚本朝胡氏以洞庭爲九江者得之會氏亦謂導江曰過九江至于東陵東陵今之巴陵今巴陵之上卽洞庭也因九水所合遂名九江故下文導水曰過九江經之側大水合小水謂之過則洞庭之爲九江益以明矣以新安陳氏曰漢朝宗于海卽繼曰九江孔殷導江不曰播九江而曰過九江則大江自大九江自九水可見孔氏所謂江於此分爲九道者其非明矣證以導江東至于澧過九江至于東陵則九江當在澧州之下巴陵之上而不在尋陽與今之江州九明矣朱蔡以洞庭湖當之辨證詳明從之可也謂江南凡水皆呼爲江禹時澧州之下巴陵之上自有九水今年代久遠澧谷變遷不可以今水證古水而闕之亦可也

沱潛既道

沱江別名潛水名爾雅曰水自江出爲沱自漢出爲潛凡水之出於江漢者皆有此名此則荆州江漢之出者也今按南郡枝江縣有沱水然其流入江而非出於江也華容縣有夏水首出于江尾入于沔亦謂之沱若潛水則未有見也大王氏炎曰沱水在今江陵府枝江縣土人謂枝江爲百里洲來江沱二水之間其與江分處謂之上沱與江合處謂之下沱隋志南郡枝江縣有潛水卽古潛字故史記云沱潛既對今松滋分爲潛江縣矣雲土夢作又

地理志南郡華容縣南有雲夢澤杜預云南郡枝江縣西有雲夢城江夏安陸縣亦有雲夢澤方八九百里跨江南北華容枝江江夏安陸皆其地也

厥土惟塗泥厥田惟下中厥賦上下厥貢羽毛齒革惟金三品惟柞栝柏礪砥磬丹雘鼈鼉三邦底貢厥名包匭菁茅厥篚玄纁璣組九江納錫大龜浮于江沱潛漢逾于洛至于南河

逾越也
荆河惟豫州
西南至荆山北距河水
伊洛瀘澗既入于河

伊出陸渾山洛出上洛山瀘出沔山澗出河南北山地理志云伊水出弘農盧氏縣東熊耳山東北入洛洛水出弘農上洛縣東熊耳山東北入洛洛水出河南穀城縣潛亭北東南入洛

澗水出弘農新安縣東南入洛伊水山海經曰熊耳之山伊水出焉東北至洛陽縣南北入于洛郭璞云熊耳在上洛縣南今商州上洛縣也地志言伊水出弘農盧氏之熊耳者非是伊澗澗水入于洛而洛水入于河此言伊洛澗澗入河若四水不相合而各入河者猶漢入江江入海而荆州言江漢朝宗于海意同蓋四水並流小大相敵故也榮波既豬

榮澤波水已成過豬榮波二水名潛水自今孟州溫縣入河潛行軹河南溢爲榮在今鄭州榮澤縣西五里故舍東南按今濟水但入河不復過河之南榮澤水受河水有石門謂之榮口石門也鄭康成謂榮今塞爲平地榮陽民猶謂其處爲榮澤鄭道元曰禹塞淫水於榮陽下引河東南以過淮泗濟水分河東南流漢明帝使王景卽榮水故

潰東注浚儀謂之沒儀渠漢志謂榮陽縣有狼湯渠首受濟者是也南曰狼湯北曰浚儀其實一也波水周職方豫州其川榮維其浸波波濤爾雅云水自洛出爲波山海經曰婁涿之山波水出其陰北流注于穀二說不同未詳孰是孔氏以榮波爲一水者非也

導荷澤被孟豬
荷澤在胡陵孟豬澤名在荷東北

厥土惟壤下土墳壤厥田惟中上厥賦錯上下厥貢漆象絳紵厥篚纖繒錫貢磐錯浮于洛達于河華陽黑水惟梁州

東據華山之南西距黑水

岷嶓既發沱潛既道

岷山在陝外江水所出隴西郡西嶓冢山西漢水所出是二者皆山名沱出于江潛出于漢此江漢別流之在梁州者沱水地志蜀郡郫縣江沱在東西入大江郫縣今成都府郫縣也又地志云蜀郡汶江縣江沱在西南東入江汶江縣今未康軍導江縣也沱水地志云巴郡宕渠縣沱水西南入江宕渠今渠州流江縣也郫道元謂宕渠縣有大穴潛水入焉通置山下西南潛出南入于江又地志漢中郡安陽縣瀘谷水出西南入漢瀘音瀘安陽縣今洋州與符縣也全臨川吳氏曰凡江漢支流皆名沱潛

蔡蒙旅平和夷底績

蔡蒙二山名祭山曰旅地理志云蒙山在蜀郡青衣縣蔡山不知所在蔡山與地記在今雅州嚴道縣蒙山地志蜀郡青衣縣今雅州名山縣也嚴道元謂山上合下開沐水逕其間瀘水脉漂疾歷代爲患蜀郡太守李冰發卒鑿平瀘崖則此二山在禹爲用功多也和夷地名嚴道以西有和川有夷道或稱其地也又按吳氏曰和夷二水名和水今雅州榮經縣北和川水自蠻界羅留州東西來逕蒙山所謂青衣水而入岷江者也夷水出巴郡魚復縣東南過假山縣南又東過夷道縣北東入于江今詳二說皆未可必但經言底績者三草樓原臨既皆地名則此恐爲地名或地名因水亦不可知也今氏曰嚴道有和川夷人居之

厥土青黎厥田惟下上厥賦下中二錯厥貢璆鐵銀錢磐磬熊羆狐狸織皮西傾因桓是來浮于潛逾于沔

西傾山名恒水是西傾山南行因恒水是來浮于潛上曰沔地理志云西傾在隴西臨洮縣西南恒水出蜀郡蜀山西南行羌中入南海入于渭亂于河

絕流曰亂

黑水西河惟雍州

西距黑水東據河龍門之河在冀州西

地理志云涇水出安定涇陽縣西研頭山東南至焉胡陽陵縣入渭行千六百里柳宗元曰西海之山有水焉散漢無力不能負芥投之則委靡盤沒及底而後止故名曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西至合黎山與張掖縣河合又按通鑑魏太武擊柔然至黑水西行至菟園水分軍搜討又循弱水西行至涿邪山則弱水在菟園水之西涿邪山之東矣北史載太武至菟園水分軍搜討東至瀚海西接張掖水北渡燕然山與通盤小異豈瀚海張掖水於弱水爲近乎程氏據西域傳以弱水爲在條支援引甚悉然長安西行一萬二千二百里又百餘日方至條支其去雍州如此之遠焉豈應窮荒而導其流也哉其說非是渭水地志出隴西郡首陽縣西南東至京兆船司空縣入河渭水地志作芮扶風渭縣縣蒲葭水出

其西北東入涇屬連屬也涇水連屬渭水二水也漆沮既從渭水攸同

地理志云漆水出扶風漆縣西關驢十三州志云漆水出漆縣西北岐山東入渭沮則不知所出渭水出扶風郿縣東北過上林苑入渭也漆水實字記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也實字記沮水自坊州昇平縣北于午嶺出俗號子午水下合檢谷慈馬等川遂爲沮水至耀州華原縣合漆水至同州朝邑縣東南入渭二水相敵故並言之既從者從於渭也又按地志謂漆水出扶風縣程氏曰此幽之漆也水經漆水出扶風杜陽縣程氏曰杜陽今岐山普潤縣之地亦漢漆縣之境其水入渭在渭水之上與經序渭水節次不合非禹貢之漆水也渭水地志作鄠出扶風鄠縣終南山今未與軍鄠縣山也東至咸陽縣入渭同者同於渭也

荆岐既旅

此荆在岐東非荆州之荆地理志云禹貢北條荆山在馮翊懷德縣南南條荆山在南郡臨沮縣北岐山在扶風美陽縣西北今鳳翔府岐山縣東北十里也

終南惇物至于鳥鼠

終南山名漢書地理志一名太一山秦記云又名地肺惇物山名漢書云垂山也終南惇物鳥鼠皆山名終南山地志在扶風武功縣今永興軍萬年縣南五十里也惇物地志在扶風武功縣今永

興軍武功縣也鳥鼠地志在隴西郡首陽縣西南今渭州渭源縣西也俗呼為青雀山

原隰底績至于豬野

地理志云豬野澤在武威縣東北有休屠澤古文以為豬野澤

三危既宅三苗不敘

地理志云三危之山在鳥鼠之西南當岷山

厥土惟黃壤厥田惟上上厥賦中下厥貢惟珠琅玕浮于積石至于龍門西河

積石山在金城西南河所經也龍門山在河東之西界

會于渭汭

逆流曰會

織皮崑崙析支渠搜西戎即敘

王肅云崑崙在臨羌西析支在河關西戎西域也

導岍及岐至于荆山

地理志所治山川首尾所在治山通水故以山名之三山皆在雍州

上文每州說其治水登山從下而上州境隔絕未得徑通今更從上而下條說所治之山本以通水舉其山相連屬言此山之傍所有水害皆治訖也因冀州在北故自北為始

從此導岍至敷淺原舊說以為三條地理志云禹貢北條荆山在馮翊懷德縣南南條荆山在南郡

臨沮縣東北是舊有三條之說也故馬融王肅皆為三條導岍北條西傾中條嶠南條鄭元以為四列導岍為陰列西傾為次陰列嶠為次陽列

岷山為正陽列鄭元創為此說孔亦當為三條也岍與嶠豈言導西傾不言導者史文有詳略以可知故省文也荆岐上已具矣而此復言之以山勢相連而州境隔絕更從上理說所治山川首尾所在總解此下導山水之意也其實通水而文稱導山者導山本為治水故以導山名之地理志云吳岳在扶風縣西古文以為岍山岐山在美陽縣西北荆山在懷德縣三山皆在雍州

此下隴山也岍山地志扶風縣西吳山古文以為岍山今隴州吳山縣吳嶽山也又按寰宇記隴州汧源有岍山汧水所出禹貢所謂岍山也吳氏以為今之隴山天井金門秦嶺山者皆古之岍也朱子曰每州各言境內山川首尾不相聯貫且自東而西非自然之形勢故於此通說九州山川相聯貫首尾更從西而東以著自然之形勢呂氏曰山川之分見於九州者其經也山川之聚見於後者其緯也無經則不知其定所無緯則不知其脈絡此作書之妙也導山有二說或以為隴山通導以相視其源委脈絡或以為治山旁小水二說當兼用禹隴山以治水故以導言如止於相其山勢何導之有山之有脈絡條列固不可誣而水之源末有不出於山水之勢末有不因於山既隴山通導相其脈絡原委又因以導山旁澗谷之水而納之川二說蓋並行而不相悖也林氏曰禹本導川歸海今乃先以導山蓋方洪水懷襄故川舊漬皆浸沒不可見欲施工無所措手故先以九州高山巨鎮為表識自西決之使東以殺其滔天之勢水既順下

漸入於海則川流故迹稍稍可求於是洛川之功可施始決九川而距四海蓋先隨山而後洛川其序不得不然也

適于河

此謂梁山龍門西河適于河謂山逾之也此處山勢相望越河而東故云此謂龍門西河言此處山不絕從此而渡河也

壺口雷首至于太岳

三山在冀州太岳上黨西地理志云壺口在河東北屈縣東南雷首在河東蒲坂縣南太岳在河東絳縣東是三山在冀州以太岳東近上黨故云在上黨西也

底柱析城至于王屋

此三山在冀州南河之北東行地理志云析城在河東濩澤縣西王屋在河東垣縣東北地理志不載底柱底柱在太陽關東析城之西從底柱至王屋在冀州南河之北東行也

太行恆山至于碣石入于海

此二山連延東北接碣石而入滄海百川經此衆山禹皆治之不可勝名故以山言之地理志云太行山在河內山陽縣西北恆山在常山上曲陽縣西北太行去恆山太遠恆山去碣石又遠故云此二山連延東北接碣石而入滄海言山傍之水皆入海山不入海也又解治水言山之意百川經此衆山禹皆治之川多不可勝名故以山言之也謂漳潞汾浹在壺口雷首太行經底柱析城濟出王屋淇近太行恆衛漳浹滹易近恆山碣石之

等也

西傾朱圍鳥鼠

西傾朱圍在積石以東鳥鼠渭水所出在隴西之西三者雍州之南山地理志云西傾在隴西隴洮縣西南朱圍在天水冀縣南言在積石以東見河所經也地理志云鳥鼠同穴山在隴西首陽縣西南渭水所出在隴西郡之西是三者皆雍州之南山也

至于太華

相首尾而東地理志云太華在京兆華陰縣南鳥鼠東望太華太遠故云相首尾而東也

熊耳外方桐柏至于陪尾

四山相連東南在豫州界洛經熊耳伊經外方淮出桐柏經陪尾凡此皆先舉所施功之山於上而後條列所治水於下互相備地理志云熊耳山在弘農盧氏縣東伊水所出嵩高山在潁川嵩高縣古文以爲外方山桐柏山在南陽平氏縣東南橫尾山在江夏安陸縣東北古文以爲陪尾山是四山接華山而相連東南皆在豫州界也凡華山名皆爲治水故言水之所經洛出熊耳伊經外方淮出桐柏經陪尾導山本爲治水故云皆先舉所施功之山於上而後條列所治水於下互相備也此北條大河南境之山也

導嶠至于荆山

深水出嶠家在梁州經荆山荆山在荊州下云嶠家導深梁州云岷嶠既藝是嶠家在梁州也荆州以荆山爲名知荆山在荊州也

內方至于大別

內方大別二山名在荊州漢所經地理志云章山在江夏竟陵縣東北古文以爲內方山地理志無大別鄭元云大別在蘆江安豐縣杜預解春秋云大別關不知何處或曰大別在安豐縣西南左傳云吳既與楚夾漢然後楚乃濟漢而陳自小別至于大別然則二別近漢之名無緣得在安豐縣如預所言雖不知其處要與內方相接漢水所經必在荊州界也此南條江漢北境之山也

岷山之陽至于衡山

岷山江所出在梁州衡山江所經在荊州其下云岷山導江梁州岷嶠既藝是岷山在梁州也地理志云衡山在長沙湘南縣東南上言衡陽惟荆州是江所經在荊州也

過九江至于敷淺原

言衡山連延過九江接敷淺原言導從首起言陽從南敷淺原一名博陽山在揚州豫章界衡即橫也東西長今之人謂之爲嶺東行連延過九江之水而東接於敷淺原之山也經於岷及嶠家言導岷山言陽故解之言導從首起言陽從南言岷山之南至敷淺原別以岷山爲首不與大別相接由江所經別記之以見岷非三條也地理志豫章歷陵縣南有博陽山古文以爲敷淺原敷淺原地志云豫章郡歷陵縣南有博陽山古文以爲敷淺原今江州德安縣博陽山也吳氏以爲在鄱陽者非是今按吳氏以鄱陽有博陽山又有歷陵山爲應地志歷陵縣之名然鄱陽漢有縣地不

導弱水至于合黎

應又爲歷陵縣山名偶同不足據也江州德安縣爲近之然所謂敷淺原者其山甚小而卑亦未見其爲在所表見者惟歷陵在大江彭蠡之交最爲且大宜所當紀志者而皆無考據恐山川之名古今或異而傳者未必得其真也姑俟知者孔氏以爲衡山之脈連延而爲敷淺原者亦非是蓋岷山之脈其北一支爲衡山而盡於洞庭之西其南一支度桂嶺北經袁豹之地至德安所謂敷淺原者二支之間湘水間斷衡山在湘水西南敷淺原在湘水東北其非衡山之脈連延過九江而爲敷淺原者明甚且其山川岡脊源流具在眼前而古今異說如此况殘山斷港歷數千百年者尚何自取信哉此南條江漢南境之山也新安陳氏曰導山之役分爲四路乃懷襄方殷未可下洛川之功先隨山相視可疏導者疏導之兩條四列實人功經歷之次第爲洛川之經始下文導水詳言洛川之源委乃收上文隨山之功

須言水積石山非河上源記施功之處故云導河積石言發首積石起也漢江先山後水淮渭洛先水後山皆是史文詳略無義例也又淮渭洛言自某山者皆是發源此山欲使異於導河故加自耳鄭元云凡言導者發源於上未成流凡言自者亦發源於上未成流必其俱未成流何須別導與自河出崑崙發源其遠豈至積石猶未成流而云導河也弱水得入合黎知合黎是木名顧氏云地說書合黎山名但此水出合黎因山爲名鄭元亦以爲山名地理志張掖郡刪丹縣桑欽以爲導弱水自此西至酒泉合黎張掖郡又有居延澤在縣東北古文以爲流沙如志之言酒泉郡在張掖郡西居延屬張掖合黎在酒泉則流沙在合黎之東與此傳不合案經弱水西流水既至于合黎餘波入于流沙當如傳文合黎在流沙之東不得在其西也傳此下洛川也

餘波入于流沙
弱水餘波西溢入流沙傳流沙杜佑云在沙州西八十里其沙隨風流行故曰流沙
導黑水至于三危入于南海

黑水自北而南經三危過梁州入南海地理志益州郡計在蜀郡西南三千餘里故漢王國也武帝元封二年始開爲郡郡內有滇池縣縣有黑水祠止言有其祠不知水之所在鄭云今中國無也傳之此言顯經文耳案麗元水經黑水出張掖鑿山南流至燉煌過三危山南流入于南海然張掖燉煌並在河北所以黑水得越河入南海者河

自積石以西皆多伏流故黑水得越而南也黑水地志出犍爲郡南廣縣汾關山水經出張掖鑿山南至燉煌過三危山南流入于南海唐樊綽云西夷之水南流入于南海者凡四曰區江曰西洱河曰麗水曰彌諾江皆入于南海其曰麗水者即古之黑水也三危山臨峙其上按梁雍二州西邊皆以黑水爲界是黑水自雍之西北而直出梁之西南也中國山勢圖脊大抵皆自西北而來積石西傾岷山岡脊以東之水既入于河漢岷江其岡脊以西之水即爲黑水而入于南海地志水經樊氏之說雖未詳的實要其地也程氏曰樊綽以麗水爲黑水者恐其狹小不足爲界其所稱西洱河者却與漢志葉榆澤相貫廣處可二百里既足以界別二州其流又正趨南海又漢滇池即葉榆之地武帝初開滇嶺時其地古有黑水舊祠夷人不知載籍必不能附會而緯及道元皆謂此澤以榆葉所積得名則其水之黑似榆葉積漬所成且其地乃在蜀之正西又東北距宕昌不遠宕昌即三苗種裔與三苗之教于三危者又爲相應其證驗莫此之明也
導河積石至于龍門

施功發于積石至于龍門或鑿山或穿地以通流源始於此記其施功處耳故言施功發於積石釋水云河千里一曲一直則河從積石北行又東乃南行至于龍門計應三千餘里龍門底柱鑿山也其餘平地穿地也或鑿山或穿地以通流言自積石至海皆然也釋水云河出崑崙虛邑

白李巡曰崑崙山名虛山下地也郭璞云發源高處激湍故水色白滑流地中受衆衆多渾濁故水色黃漢書西域傳云河有南源一出蔥嶺一出于闐于闐在南山下其河北流與蔥嶺河合東注蒲昌海蒲昌海一名鹽澤者去玉門陽關三百餘里廣袤三四百里其水停居冬夏不增減皆以爲潛行地下南出于積石爲中國河郭璞云其出崑崙里數遠近未得詳也

南至于華陰
河自龍門南流至華山北至東行

東至于底柱
底柱山名河水分流包山而過山見水中若柱然在西魏之界

又東至于孟津

孟津地名在洛北都道所湊古今以爲津孟是地名津是渡處在孟地致津謂之孟津傳云地名謂孟爲地名耳杜預云孟津河內河陽縣南孟津也在洛陽城北都道所湊古今常以爲津武王渡之近世以來呼爲武濟
東過洛汭至于大伾

洛汭洛入河處山再成曰伾至于大伾而北行洛汭洛入河處河南鞏縣東也釋山云再成英一成伾李巡曰山再重曰英一重曰伾傳云再成曰伾與爾雅不同蓋所見異也鄭元云大伾在修武武德之界張揖云成皋縣山也漢書音義有臣瓚者以爲修武武德無此山也成皋縣山又不一成今鞏陽縣山臨河豈不是大伾乎瓚言當然

北過降水至于大陸

降水本名入河大陸澤名地理志云降水在信都縣按班固漢書以秦國爲信都在大陸之南或降水發源在此下尾至今之信都故得先過降水乃至大陸若其不爾則降水不可知也鄭以澤讀爲降下江反聲轉爲共河內共縣漢水出焉東至魏郡黎陽縣入河北近降水也周時國於此地者惡言降水改謂之共此鄭何禮不可從也

又北爲九河

北分爲九河以殺其溢在兗州界

同爲逆河入于海

同合爲一大河名逆河而入于渤海皆禹所加功故敘之傳言九河將欲至海更同合爲一大河名爲逆河而入于渤海也鄭元云下尾合名爲逆河言相向迎受王肅云同逆一大河納之于海其意與孔同

略家導漢東流爲漢

泉始出山爲漢水東南流爲沔水至漢中東流爲漢水傳之此言當據時人之名爲說也地理志云漢水出隴西氏道縣至武都爲漢水不言中爲沔水孔知略家之東漢水之西而得爲沔水者以禹治梁州入帝都白所治云逾于沔入于渭是河近于渭當梁州向冀州之路也應劭云沔水自江別至南郡華容縣爲夏水過江夏郡入江既云江別明與此沔別也依地理志漢水之尾變爲夏水是應劭所云沔水下尾亦與漢合乃入于江也又東爲滄浪之水

別流在荊州傳言別流似分爲異水案經首尾相連不是分別當以名稱別流也以上在梁州故此云在荊州

過三澨至于大別

三澨水名入漢大別山名

南入于江

關山題南入江

東澨澤爲彭蠡

東澨也水東澨爲彭蠡大澤按彭蠡古今記載皆謂今之番陽然其澤在江之南去漢水入江之處已七百餘里所蓄之水則合饒信徽撫吉贛南安建昌臨江袁筠廬與南康數州之流非自漢入而爲匯者又其入江之處西則廬阜東則湖口皆石山峙立水道狹甚不應漢水入江之後七百餘里乃橫截而南入于番陽又橫截而北流爲北江且番陽合數州之流積而爲澤泛溢壅遏初無仰於江漢之匯而後成也不惟無所仰於江漢而衆流之積日過月高勢亦不復容江漢之水入矣今湖口橫渡之處其北則江漢之澤流其南則番陽之清漲不見所謂漢水匯澤而爲彭蠡者番陽之水既出湖口則依南岸與大江相持以東又不見所謂橫截而爲北江者又以經文考之則今之彭蠡既在大江之南於經則宜曰南匯彭蠡不應曰東澨於導江則宜曰南會于匯不應曰北會于匯既在江之南於經則宜曰北爲北江不應曰東爲北江以今地望參校絕爲反戾今廬江之北有所謂巢湖者湖大而源淺每歲四五月間獨積雲消

大江泛溢之時水入湖至七八月大江水落湖水方洩隨江以東爲合東匯北匯之文然番陽之湖方五六百里不應舍此而錄後記其小而遺其大也蓋嘗以事理情勢考之洪水之患惟河爲甚意當時龍門九河等處事急民困勢重役煩禹親蒞而身督之若江淮則地偏水急不待疏鑿固已通行或分道官屬往視亦可况洞庭彭蠡之間乃三苗所居水澤山林深昧不測彼方負其險阻頑不即工則官屬之往者亦未必遽敢深入是以但知彭蠡之爲澤而不知其非漢水所匯但意如巢湖江水之溢而不知彭蠡之源爲甚衆也以此致誤謂之爲匯謂之北江無足怪者然則番陽之爲彭蠡信矣

東爲北江入于海

自彭蠡江分爲三入震澤遂爲北江而入海揚州云三江既入震澤底定孔爲三江既入入震澤也故言江自彭蠡分而爲三江復共入震澤出澤又分爲三此水遂爲北江而入于海鄭元以爲三江既入入于海不入震澤也孔必知入震澤者以震澤屬揚州彭蠡在揚州之西界今從彭蠡有三江則震澤之西三江具矣今云三江既入繼以震澤底定故知三江入震澤矣今南人以大江不入震澤震澤之東別有松江等三江案職方揚州其川曰三江宜舉州內大川其松江等雖出震澤入海既近周禮不應捨岷山大江之名而記松江等小江之說山水同今變易故鄭云既知今亦當知古是古今同之驗也

岷山導江東別爲沱

江東南流沱東行以上云浮于江沱潛渡其大自南而北江在沱南知江東南流而沱東行沱江之別流於梁者也

又東至于澧

澧水名鄧元以此經自導弱水已下言過言會者皆是水名言至于者或山或澤皆非水名故

以合黎爲山名澧爲陵名鄧元云今長沙郡有澧陵縣其以陵名爲縣乎孔以合黎與澧皆爲水名

弱水餘數入于流沙則本源入合黎矣合黎得容弱水知是水名楚辭曰濯余佩今澧浦是澧亦爲

水名傳澧水名水經出武陵充縣西至長沙下雋縣西北入江鄭氏云經言道言會者水也言至于者

或山或澤也澧宜山澤之名按下文九江澧水既與其一則非水明矣

過九江至于東陵

江分爲九道在荊州東陵地名九江之水禹前分爲九道今導江過歷九江之處非是別有

九江之水

東流北會于匯

過滄也東流分都共北會爲彭蠡通言通言辭過邪出之言故爲滄也東流分都共聚合北

會彭蠡言散流而復合也鄧云東流者爲南江孔意或然至之與會史異文耳

東爲中江入于海

美縣東入海北江從會稽毗陵縣北東入海

導沱水東流爲濟

泉源爲沱流去爲濟在溫西北平地地理志云濟水在河東垣縣王屋山東南至河內武德縣

入河傳言在溫西北平地者濟水近在河內孔必驗而知之見今濟水所出在溫之西北七十餘里

溫是古之舊縣故計溫言之

入于河溢爲榮

濟水入河並流十數里而南截河又並流數里溢爲榮澤在豫東東南此皆目驗爲說也濟水

既入于河與河相亂而知截河過者以河濁濟清南出還清故可知也

東出于陶丘北

陶丘丘再成釋丘丘再成爲陶丘李巡曰再成其形再重也郭璞云今濟陰定陶城中有陶丘

地理志云定陶縣西南有陶丘亭

又東至于荷

荷澤之水

又東北會于汶

濟與汶合

又北東入于海

北折而東

導淮自桐柏

東會于泗沂東入于海

與泗沂二水合入海地理志云沂水出泰山蓋縣南至下邳入泗泗水出濟陰乘氏縣至臨淮

睢陵縣入淮乃沂水先入泗泗入淮耳以沂水入泗處去淮已近故連言之

導渭自鳥鼠同穴

鳥鼠共爲雌雄同穴處此山遂名山曰鳥鼠渭水出焉釋文云鳥鼠同穴其鳥爲鼠其鼠爲

李巡曰餘隄鳥鼠之名共處一穴天性然也郭璞曰隄如人家鼠而短尾餘似鼠而小黃黑色穴入

地三四尺鼠在內鳥在外今在隴西首陽縣有鳥鼠同穴山尚書孔傳云共爲雌雄張氏地理記云

不爲此壯璞並載此言未知誰得實也地理志云隴西首陽西南有鳥鼠同穴山渭水所出至京兆

北船司空縣入河過郡四行千八百七十里

東會于澧又東會于涇

澧水自南涇水自北而合

又東過漆沮入于河

漆沮二水名亦曰洛水出馮翊北地理志云漆水出扶風漆縣依十三州記漆水在岐山東入

渭則與漆沮不同矣此云會于涇又東過漆沮是漆沮在涇水之東故孔以爲洛水一名漆沮水經

沮水出北地直路縣東入洛水又云鄭渠在太上皇陵東南灋水人焉俗謂之漆水又謂之漆沮其

水東流注於洛水志云出馮翊懷德縣東南入渭以水土驗之與毛詩古公自土沮漆者別也彼漆即扶風漆水也彼沮則未聞

導洛自熊耳

在宜陽之西

東北會于瀾瀾

會于河南城南

又東會于伊

合于洛陽之南

又東北入于河

合於鹽之東按經言洛水導瀾山導江者

漢之源出於嶓江之源出於岷故先言山而後言

水也言導河積石導淮自桐柏導瀾自鳥鼠同穴

導洛自熊耳皆非出於其山特自其山以導之耳

故先言水而後言山也河不言自者河源多伏流

積石其見處故言積石而不言自也沈水不言山

者沈水伏流其出非一故不誌其源也弱水黑水

不言山者九州之外蓋略之也

九州攸同

所同事在下

四隤既宅

四方之宅已可居

九山刊旅九川濬源九澤既陂

九州名山已槪木通進而旅祭矣九州之川已

濬除泉源無壅塞矣九州之澤已陂障無決溢矣

上文諸州有言山川澤者皆舉大言之所言不

盡故於此復更總之九山九川九澤言九州之內

所有山川澤無大無小皆刊槪決除已誌其皆旅

祭惟據名山大川言旅者往而大木旅祭禮廢已

旅見已治也山非水體故以旅見治其實水亦旅

矣發首云奠高山大川但是定位皆已旅祭也川

言濬除泉源從其所出至其所入皆濬除之無壅

塞也澤言既陂往而濬溢今時水定或作陂以障

之使無決溢詩云被澤之陂毛傳云陂澤障也

四海會同六府孔修庶土交正底慎財賦成則三壤

成賦中邦

美禹能治水土安海內於此總結之

錫土姓祗台德先不距服行五百里甸服百里賦納

總二百里納錫三百里納絳服四百里甸服五百里未

五百里侯服百里來二百里男邦三百里諸侯五百

里綏服三百里揆文教二百里采武衛五百里要服

三百里夷二百里蠻五百里蠻服三百里蠻二百里

流東漸于海西被于流沙朔南暨聲教訖于四海禹

錫元圭告厥成功

禮記

王制

自恆山至于南河千里而近自南河至于江千里而

近自江至于衡山千里而近自東河至于東海千里

而近自東河至于西河千里而近自西河至于流沙

千里而遠西不盡流沙南不盡衡山東不盡東海北

不盡恆山

不足謂之近有餘謂之遠

周禮

天官

大宰之職以九職任萬民三曰虞衡作山澤之材

虞衡掌山澤之官主山澤之民者虞衡作山

澤之材者謂在山澤之民所作事業材木而已案

地官掌山澤者謂之虞掌山林者謂之衡則衡不

掌山澤而云虞衡作山澤者欲互舉以見山澤兼

有山林之材也鄭既云虞衡掌山澤之官復云山

澤之民者欲見虞衡是官非出稅之人以山澤之

人無名號故借虞衡之官以表其民所任者任山

澤之萬民山虞澤虞之官非是以任出稅之物但

主山澤之民也

以九賦斂財賄八曰山澤之賦

山澤之賦者謂山澤之中財物山澤之民以時

人而取之出稅以當邦賦所稅得之物貯之而官

未用有人占會取之為官出息此人口稅出泉謂

之山澤之賦也

地官

大司徒之職以天下土地之圖周知九州之地域廣

輪之數辨其山林川澤丘陵墳衍原隰之名物

積石曰山竹木曰林注瀆曰川水鍾曰澤土高

曰丘大阜曰陵水崖曰墳下平曰衍高平曰原下

溼曰隰名物者十等之名與所生之物云積石

曰山者案詩云節彼南山維石巖巖鄭云巖巖積

石貌鄭據此而言案爾雅山丘別釋則丘是純土

其山皆石亦有兼土者故曰石戴土謂之崔嵬又

周語云夫山土之聚是其山有土也云竹木曰林

者謂生平地以其山林川澤別官故知竹木生平

地曰林云注瀆曰川者案釋水云注川曰澗注澗

曰谷注谷曰澗注澗曰澗注澗曰澗彼澗云皆以

小注大大小異名言注澗曰澗者謂以澗中水注

入澗中使有所去此云注澗曰川者爾雅無此言

鄭以義增之耳謂以壤中水注入川案職方九州皆直川故知從漢入川此漢與四道義異四道則亦川故職方云其川三江其川江漢也云水鍾曰澤者周語虞太子晉之言也云土高曰丘者爾雅山丘別釋則丘無石者也云大阜曰陵者按爾雅釋地云高平曰陸大陸曰阜大阜曰陵大陵曰阿可食者曰原是陵與丘高下異稱皆無石者也其有石者亦曰陵故左氏傳三十二年云敝有二陵南陵夏后皋之墓也其北陵文王之所避風雨是有石者也云水崖曰墳者案爾雅云重崖岸墳大防是墳為崖岸之峻者故知水崖曰墳故詩云遵彼汝墳是汝水之大防亦是水崖曰墳也云下平曰衍者此十地皆兩兩相對為名墳既水崖而高明衍為下平此下平又與下澤曰隰者別也云高平曰原者案爾雅云廣平曰原高平曰陸不云高平曰原此言高平曰原者對下澤曰隰而言其實高平即廣平者也爾雅高平曰陸者據山傍平者故下云可食者曰原也云下澤曰隰者爾雅釋地文若然則貢云大陸既作註大陸地者爾雅釋地八穀皆有大陸彼是數澤之地稱與高平曰陸者別也云十等之名者山林以下十等名異也云與所生之物者即下文土會之法以下是也

以土會之澤辨五地之物生一曰山林其動物宜毛物其植物宜草物其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜穀物其民專而長四曰墳衍其動物宜介物其植物宜菜物其民皙而瘠五曰原隰其

動物宜羸物其植物宜叢物其民豐肉而膚
此五地以高下相對故一曰山林山林高之極者二曰川澤川澤下之極者故以為對也
關師凡任民任衡以山事貢其物任虞以澤事貢其物
大宰云三曰虞衡作山澤之材材即物也以其山澤所出物多故云物若禹貢云海物然也序官山澤稱虞川林稱衡此云任衡以山事山不稱虞者欲見山中可以聚川林亦貢物故互見為義也其分山澤為二者以山澤所貢不同故分為二
夏官
司險掌九州之圖以周知其山林川澤之阻而達其道路
注周官徧也達道路者山林之阻則開鑿之川澤之阻則橋梁之
職方氏辨九州之國使同貫利東南曰揚州其山鎮曰會稽其澤數曰具區其川三江其浸五湖
鎮名山安地德者也會稽在山陰大澤曰數其區五湖在吳南漫可以為陂澤者九州皆有鎮所以安地德一州之內其山川澤數至多選取最大者而言故鄭云曰其大者也云會稽在山陰山陰郡名按夏本紀太史公或言禹會諸侯於江南命曰會稽會稽者會計也皇覽曰禹冢在山陰會稽山本苗山縣南七里越傳曰禹到越望苗山會諸侯爵有德封有功者更名苗山曰會稽山云大澤曰數者按澤虞職大澤大數註水鍾曰澤水希曰數則澤數別矣今此云大澤曰數為一物解

之者但澤數相因亦為一物故云大澤曰數也云具區五湖在吳南者吳南郡名依地理志南江自吳南震澤在西通而言之亦得在吳南具區即震澤一也云浸可以為陂澤者謂澤既稻田者也按禹貢云九江今在廬江尋陽南皆東合為大江揚州所以得有三江者江至尋陽南合為一東行至揚州入彭蠡復分為三道而入海故得有三江也
正南曰荊州其山鎮曰衡山其澤數曰雲夢其川江漢其浸潁潁
注衡山在湖南雲夢在華容縣出陽城宜屬豫州在此非也潁未聞杜子春云潁讀當為人名潁之潁潁或為淮其川江漢者揚州云三江不言漢此荊州直言江不言三兼云漢者此州江未分為三故直云江此州有漢水過焉故江漢並言也云雲夢在華容者按禹貢荊州雲土夢作又得為澤者按彼註云其中有平土丘水去可為作吹歌之治則此據有水之處亦得為澤也云潁出陽城宜屬豫州在此非也者鄭據地理志故知合在豫州又昭元年王使劉定公勞趙孟于潁亦在豫州故破之云潁未聞者據地理志無文未知何處也潁或為淮不從也
河南曰豫州其山鎮曰華山其澤數曰圃田其川滎維其浸波澨
注華山在華陰圃田在中華榮兌水也出東垣入于河洑為榮榮在滎陽波讀為播禹貢曰榮播既都春秋傳曰楚子除道梁沬管軍隨則漢宜屬

荊州在此非也。云榮充水也者按禹貢濟出王屋始出兌東流為濟南渡河決為榮春秋載於榮澤是也。云出東垣者地理志文也。云波讀為播者按禹貢有播水無波故引禹貢為證也。

正東曰青州其山鎮曰沂山其澤數曰望諸其川淮泗其浸沂沭。

沂山沂水所出也在蓋望諸明都也在難陽沐出東莞。釋曰鄭知沂山沂水所出者沂水出沂山水乃取名於山故知沂水出焉云在蓋者蓋亦縣名按禹貢云海岱及淮惟徐州又云淮沂其乂註云淮沂二水名地理志沂水出今大山蓋縣不在青州者周公以禹貢徐州地為青故也。云望諸明都也者按禹貢云道柯澤被明都彼禹貢無望諸故從明都按春秋宋數澤有孟諸明都即宋之孟諸者也。經有淮泗不言者以上來有江及此淮井下文河鄭皆不言所在者以四瀆之名人皆知之故略而不言也。按禹貢淮出桐柏泗水在魯國出濟陰乘氏東又至零陵入淮行千二百一十里沐出東莞屬鄆郡南至下邳入泗。

河東曰兗州其山鎮曰岱山其澤數曰大野其川河濟其浸盧維。岱山在博野大野在鉅野盧維當為雷雍字之誤也。禹貢曰雷夏既澤沮洳會同雷夏在城陽。博與鉅野皆郡縣之名。成盧維為雷雍地理志禹貢無盧維又字類雷雍故破從之引禹貢為證也。正西曰雍州其山鎮曰嶽山其澤數曰豳蒲其川涇納其浸涇洛。

嶽吳嶽也及豳蒲在沂涇出涇陽涇在幽地詩大雅公劉曰涇之即洛出懷德鄭司農云豳或為沂蒲或為蒲。云嶽吳嶽也及豳蒲在沂者按地理志吳山在沂西有豳蒲之數沂水出焉西北入涇涇出嶽山也。云涇在幽地詩大雅公劉曰涇之即若然涇為水名按彼毛傳云內水厓也箋云內之言內也水之內曰隄水之外曰鞠就涇水之內外而居與此義違者按詩上云來其皇涇觀其通涇故以內鞠為外內今為水名者蓋周公制禮之時以涇為水名涇即皇涇名曰涇耳。魯禹貢太岳至周為嶽山也。云洛出懷德者此洛即詩云瞻彼洛矣一也與禹貢導洛自熊耳者別也以

其彼洛出上洛經王城至虎牢入河。東北曰幽州其山鎮曰醫無閭其澤數曰糝養其川河滸其浸藪時。

醫無閭在遼東糝養在長廣爾出萊蕪時出般陽。云醫無閭在遼東者目驗知之漢光武十三年以遼東屬青州二十四年還屬幽州云糝養在長廣者長廣縣名地理志長廣屬徐州鄆郡有萊山時幽州南侵徐州之地也。

河內曰冀州其山鎮曰霍山其澤數曰楊紆其川漳其浸汾潞。

霍山在鉅楊紆所在未聞漳出長子汾出汾陽澤出潞德。云霍山在鉅者疑則屬王流于鉅後為縣名漢改為永安縣按禹貢既修太原至于岳陽單懷底績至于衡漳註云岳陽太原之南漳水橫流入河地理志太原今為郡名太岳在河東縣

能東名霍大山單懷為縣名屬河內漳水出上黨沾大鵬谷東北至安平阜城入河行千六百八十里始是長子即上黨也。汾陽縣德皆郡名。正北曰并州其山鎮曰恒山其澤數曰昭餘祁其川庫池嘯夷其浸淶易。

恒山在上曲陽昭餘祁在鄆庫池出幽城嘯夷祁夷與出平舒澤出廣昌易出故安凡九州及山鎮澤數言曰者以其非一曰其大者耳此州界據荆豫兗雍冀與禹貢略同青州則徐州地也幽并則青冀之北也無徐梁。上曲陽鄆幽城平舒廣昌故安皆按地理志知之云凡九州及山鎮澤數言曰者以其非一曰其大者耳者但一州之內山川多少各有其一而曰故云曰其大者云九州之內所有山川或有解出其處者至如江河淮涇漢洛等不釋所出者此等皆禹貢有文成文如彼導洛自熊耳導涇自鳥鼠導河自積石導江自岷山導淮自桐柏導漢自嶓冢為此故不言也至於禹貢雖言義理不明者此亦辨之若禹貢涇屬渭納彼直言涇水入渭不言導之所從如此之類皆須釋其所出也。按經傳天下山川莫詳於禹之禹於經部之首至其山川之大者古今傳錄不一而考於各山各水之下而與三字原本疑有訛。

秋官。雍氏掌溝澮澮池之禁禁山之為苑澤之沈者為其就禽獸魚鼈自然之居而害之鄭司農云不得擅為苑囿於山也澤之沈者謂毒魚及水蟲之屬。

管子。管子

乘馬

地之不可食者山之無木者百而當一潤澤百而當一地之無草木者百而當一樊棘雜處民不得入焉百而當一數椽繼得入焉九而當一曼山其木可以爲材可以爲軸斤斧得入焉九而當一汎山其木可以爲棺可以爲車斤斧得入焉十而當一流水網罟得入焉五而當一林其木可以爲棺可以爲車斤斧得入焉五而當一澤網罟得入焉五而當一

宙舍

山陵岑巖淵泉閎流泉輪瀾而不盡

注

注 漢漢漏之流也

薄承瀾而不滿

注

泉逾而前瀾隨而後欲其流不盡至溪谷小既停滯隨至而泄雖承瀾而常不滿之流也

高下肥磽物有所宜故曰地不利

注

此以上略言地利不一也

地數

地之東西二萬八千里南北二萬六千里其出水者八千里受水者八千里出銅之山四百六十七山出鐵之山三千六百九山

欽定古今圖書集成方輿彙編山川典

第二卷目錄

山川總部總論

禮記王制

博物志山水總論物產

朱子語類地理

朱子文集答程泰之

此事摘錄山水遠大

圖書編天下山川海嶽大略圖後論三大

脈絡論北條幹乾脉絡九州岳與川澤

金陵山川兩新山川新江蘇水國

海峽圖之刊廣西山川廣州山川

山川典第二卷

山川總部總論

禮記

王制

天子祭天下名山大川五嶽視三公四瀆視諸侯諸侯祭名山大川之在其地者

大馬氏曰古之爲祀典有功於民則祀之而名山

大川者有功於民而民之所取材用也

博物志

山水總論

五嶽視三公四瀆視諸侯封內名山通靈助化位相亞也

物產

地性含水土山泉者引地氣也山有沙者生金有數者生玉名山生神芝不死之草上芝爲車馬中芝爲人形下芝爲六畜土山多雲鐵山多石五土所宜黃白宜種木黑填宜麥黍蒼赤宜栽芋下泉宜稻得其宜則利百倍

和氣相感則生朱草山出象車澤出神馬陵出黑丹阜出土怪江出大貝海出明珠人主壽昌民延壽命天下太平

名山大川孔穴相內和氣所出則生石脂玉膏食之不死神龍雲龜行於穴中矣

朱子語類

地理

蔡伯靖曰山本同而末異水本異而末同

問先生前日言水隨山行何以驗之曰外面底水在山下中間底水在脊上行因以指爲喻曰外面底水在指縫中行中間底水在指頭上行又曰山下有水今溪井底人亦看山脉

冀都是正天地中間好箇風水山脉從雲中發來雲中正高脊處自脊以西之水則西流入於龍門西河自脊以東之水則東流入於海前面一條黃河環繞右畔是華山鋒立爲虎自華來至中爲嵩山是爲前案逶迤過去爲泰山鋒於左是爲龍淮南諸山是第二重案江南諸山及五嶽又爲第三四重案

方輿彙編山川典第二卷山川總部

大凡兩山夾行中間必有水兩水夾行中間必有山閩中之山多自北來水皆東南流江浙之山多自南來水多北流故江浙冬寒夏熱荆襄山川平曠得天地之中有中原氣象爲東南交會處者舊人物多最好卜居但有變則正是兵交之衝

朱子文集

答程泰之

頃在南康兩年其地宜在彭蠡九江東陵敷淺原之間而攷其山川形勢之實殊不相應因考諸說疑吳氏九江東陵之說以爲洞庭巴陵者爲可信蓋江流自澧而東即至洞庭而巴陵又在洞庭之東也若謂九江即今江州之地即其下少東便合彭蠡之口不應言至東陵然後東通北會于匯也白氏所論敷淺原者亦有理而未盡蓋詳經文敷淺原合是衡山東北一支盡處疑即今廬阜但無明文可攷耳德安縣敷陽山正在廬山之西南故謂之敷陽非以其地即爲敷淺原也若如舊說正以敷陽爲敷淺原則此山甚小又非山脉盡處若遂如吳氏之說以爲江入海處則合是今京口所過之水又不但九江而已也若以衡山東北盡處而言即爲廬阜無疑蓋自岷山東南至衡山又自衡山東北而至此則九江之原出于此三山之北者皆合于洞庭而注于岷江故自衡山而至此者必過九江也此以地勢攷之妄謂如此比事摘錄

山水遠大

山之特土石草木以崇其勢塊而視之歛斜破碎巖